

U brojnim zemljama širom svijeta, vlade i građani preduzimaju mjere za zaštitu od virusa svinjske gripe H1N1. Zdravstveni zvaničnici kažu da bi njegova snaga mogla da opadne i da se širenje zaustavi u naredne tri godine, uz više od 30 % zaražene populacije. Od Evrope do Azije i Bliskog Istoka, ovogodišnji virus gripa H1N1 se širi. Svjetska zdravstvena organizacija saopštila je da je od njega umrlo preko 6 hiljada ljudi u svijetu. Stotine hiljada doza Tamiflua, sredstva protiv svinjskog gripa, stigle su u Ukrajinu, u kojoj je grip odjednom počeo da se širi, uz 22 smrtna slučaja.

Vlada Ukrajine je zatvorila škole, ograničila grupna okupljanja i uspostavila zabranu putovanja i kontrolu na granicama. Zdravstveni stručnjaci u Njemačkoj također su prijavili nagli rast broja slučajeva nove gripe. Većinom bezopasnih, većinom nepovezanih sa putovanjima, ali onih koji su se razvili unutar zemlje.

Zdravstveni zvaničnici saopštili su da je u Sjedinjenim Državama oko hiljadu ljudi umrlo od virusa H1N1, a da je oko milion zaraženo. Većina slučajeva prati se od septembra, odnosno od početka sezone gripa. U Kini su zbog spore svjetske raspodjele vakcine, vlasti počele da proizvode svoju vakcinu i sprovode masovnu vakcinaciju. Isto je u još 16 zemalja, među kojima su i Japan i Izrael. U Afganistanu, mnogi stanovnici okrivljuju strance koji im putuju po zemlji za najmanje 2 potvrđena smrtna slučaja od H1N1.

Kaže mikrobiolog Endru Pekoš da je dobra higijena najbolja zaštita od dobijanja i širenja virusa H1N1 i – da treba koristiti maramice ili pokrivati usta. Zdravstveni zvaničnici navode da je do sada virusom H1N1, u oko 200 država i teritorija, zaraženo blizu pola miliona ljudi. Strahuje se da bi prije završetka pandemije moglo da se zarazi 30 % svjetske populacije.

Izvor: VoA News

www.medicina.ba

2009-11-09